

續修四庫全書

《續修四庫全書》編纂委員會編

續修四庫全書

上海古籍出版社

一四一・經部・春秋類

春秋正辭十一卷春秋舉例一卷春秋要指一卷〔清〕莊存與撰……………一

讀春秋管見十四卷〔清〕羅典撰……………一二七

讀春秋存稿四卷〔清〕趙佑撰……………五九七

2683/01

春秋
春秋正辭
要指

春秋舉例

〔清〕

莊存與撰

據上海辭書出版社圖書館藏清道光
七年莊綬甲寶研堂刻味經齋遺書本影
印原書版框高一八二毫米寬二七四毫米

奇 秋
 秋 奇
 奇 秋
 秋 奇
 奇 秋
 秋 奇
 奇 秋
 秋 奇

道光七年丁亥歲

味經齋遺書六

存
秋
止
辭
序

漢書傳春秋者不一家鄒夾無師虞鐸微闕在氏案
之考設梁病其短將以求微言于未墜尋大義之所
存其雖公羊乎公羊家世傳業平地衍其緒敢壽暢
其風胡母子都乃著條例董生大儒用資講授邵公
專精隱括繩墨述三科九旨之義依類託輔革削之
權如發矇矣然在東京之世賈鄭之徒已緣隙奮筆
相與爲難戴宏解疑亦隴二創魏晉而下經學破碎
隸及唐宋師儒偏蔽苟取頑曹之語不顧師法之傳
謂日月爲虛設鄙起問爲無端獨逞庸臆妄測非常

正辭序

既違偏其反而之旨烏觀析薪移矣之理使公羊之
例當乖卽春秋之義幾廢承學之士所共閔歎也夫
春秋一經人事渙王道備以矯枉撥亂爲受命品道
之端正德之紀非紀事之書昔孔子云吾志在春秋
行在孝經又曰我欲託之空言不如見之行事又曰
其義則某竊取之矣又曰屬詞比事春秋教也然則
本志以立事考義以定詞苟非因端覩指別嫌明微
精求于繁殺之間嚴辨于同異之故率詞揆方各得
其序守支持論鮮有能通者焉前輩少宗伯莊方耕
先生學貫六藝才超九能始入翰林卽以經學受

主知羣經各有論著斐然述作遂造其深率爾簡札必衷於道疇昔之歲與余同官

禁近朝夕論思無間術業挹其淵醴如飲醇醴窺厥原本疑入寶藏洵當代之儒宗士林之師表也公之孫雋甲爲余丙午典試江南所得士偕其弟貴甲來京師持公所纂春秋正辭一書問序于余余受而讀之義例一宗公羊起應寔述何氏事亦兼資左氏義或拾補穀梁條列其目屬比其詞若網在綱如機省括義周旨密博辨宏通近日說經之文此爲卓絕用以詔茲來哲庶幾得所折衷由是挾經心執聖權則偏恣乖方之誚吾知免矣嘉慶六年龍集辛酉四月望大興朱珪序

正辭序

十一

春秋正辭敘目

莊氏學

味經齋遺書六

臆言及後漢書大夫禮部侍郎加級南宮房上書房行走莊存與撰存與讀趙先生沅春秋屬辭而善之輒不自量爲槩括其條正列其義更名曰正辭倘遺忘也以尊聖尙賢信古而不亂或庶幾焉敘曰

大哉受命創我至聖弗庸踐於位皇惟饗德乃配天地正奉天辭第一

王者承天以撫萬邦爲生民共主嗟嗟周德光於文武亦越既東元命永固永固在下諸侯以僭大夫陪隸用貴治戰挈諸王者正天子辭第二

正辭敘目

十一

於乎厚哉周公光大成文武德勞謙不伐萬民以服元子在東有典有冊欲觀周道舍魯奚適聖人無我日父母國正內辭第三

三王之道仁義爲大假之以爲功乃救罪不暇一匡天下實惟桓公晉文繼之亦惟在王功曰正曰誦一奪一予楚莊晉悼彼何足數正二伯辭第四

自天地生民以來神聖有攸經緯於是焉在聖所貴貴其民循厥理惟庶邦君以厥臣積大命華華其無殆矧乃心母底罪正諸夏辭第五

蕩蕩覆載聖則無私疇不卽工聖其念之明明時夏

懿德所經頑嚚讐味乃狄之行於乎慎哉正外辭弟六

若之何弗弔天不享右罔愛於居罔多辟罔克究於永祀侵戎虐我黎服潰潰靡所止聖乃欽底罰於有辭以差厥罪俾寅念於天嗣天民越指疆土明哉明哉天伐章哉正禁暴辭弟七

噫嘻臯女民以生其女曷克生生女怙於口實乃惟怙於天德於乎德卒喪多罪顯聞於上遏之絕之乃殄滅之殄靡有遺民乃其蘇時乃敬明於聖之志匪恤用怒尙隱哉其懼正誅亂辭弟八

聖秉道垂文辭惟義之訓懲事之違匪從惟從匪述惟述折厥衷見天則正傳疑辭弟九

春秋正辭卷一 莊氏學 味經齋遺書六

序天辭第一

初曰建五始元正天端自貴者始同日並建相須成體天人大本萬物所繫春秋上之欽若不指次二曰宗文王文王受命武王述之文武既沒文不在茲稽占堯舜道法所祖聞而知之萬世以爲土次三曰大統天無二曰民無二王郊社宗廟尊無二上治非王則革學非聖則黜次四曰通三統三代建正受之於天文質再復制作備焉師法在昔恭讓則聖矧乃有監匪獨一姓次五曰備四時謹於尊天慎於養

正辭卷一

人聖人以順動則日月光明庶物露生陰佐不可右刑謚不可任五辰之正羣生在命次六曰正月日幾乎幾乎其惟日乎仁與不仁同此日乎孰能慎微日無不占載而始之端在朔月民主愛日不遑暇食夜曰日餘天光在牖閨曰歲餘門以聽候次七曰審天命廢興支與壞與飢歌戒與民不聽罪聖人覺與次八曰察五行祥異天乎與人甚可畏也欲止其亂心仁愛也上下之間匪虛而實元氣澹澹般撰相易神乎難知勿謂不然所貶所譏惟聖同天次九曰張三世據哀錄隱隆薄以思屈信之志詳畧之文智不危

身義不訕上有罪未知其辭可訪撥亂啟治漸於升平十二有象大平以成次十曰俟後聖舊典禮經左邱多聞淵乎公羊溫故知新穀梁繩愆子夏所傳拾遺補闕歷世多賢春秋應天受命作制孟子與有言天子之事以託王法魯無愾焉以治萬世漢易觀焉

建五始

元年春王正月

何休曰政莫大於正始故春秋以元之氣正天之端以天之端正王之政以王之政正諸侯之即位以諸侯之即位正竟內之治諸侯不上奉王之政

正辭卷十

王

則不得即位故先言正月而後言即位政不由王出則不得為政故先言王而後言正月王者不承天以制號令則無法故先言春而後言王天不深正其元則不能成其紀反推之以明其自然故先言元而後言春五者同日並建相須成體乃天人之大本萬物之所繫不可不察也董仲舒曰臣謹案春秋謂一元之義一者萬物之所從始也元者辭之所謂大也謂一為元者示大始而欲正本也春秋深探其本而反自貴者始元年正月辭不自春秋始曾子曰衆信弗主春秋得王之者道在故也尚書著而弗備也魯史繁而弗敘有也其餘則簡而亂也不使春秋主之者亂之大者

地經曰非聖人者無法故為人君者正心以正朝廷正朝廷以正百官正百官以正萬民正萬民以正四方四方正遠近莫敢不壹于正而無有邪氣奸其間者是以陰陽調而風雨時羣生和而萬民殖五穀孰而草木茂天地之間被潤澤而大豐美四海之內間盛德而皆徠臣諸福之物可致之祥莫不畢至而王道終矣孔子曰鳳鳥不至河不出圖吾已矣夫自悲可致此物而身卑賤不得致也

宗文王

春王

正辭卷十

王

公羊子曰王者孰謂謂文王也聞之曰受命之王曰太祖嗣王曰繼體繼體也者繼太祖也不敢曰受之天曰受之祖也自古以然文王受命之祖也成康以降繼文王之體者也武王有明德受命必歸文王是謂天道武王且不敢專子孫其敢或于焉命曰文王之命位曰文王之位法曰文王之法所以尊祖所以尊天也大雅云上天之載無聲無臭儀刑文王萬邦作孚聖人之志也君牙曰丕顯哉文王謨丕承哉武王烈啓佑我後人咸以正罔缺天子之事守也

大一統

王正月

公羊子曰何言乎王正月大一統也記曰天無二日土無二王國無二君家無二尊以一治之也子曰吾說夏禮杞不足徵也吾學殷禮有宋存焉吾學周禮今用之吾從周王天下有三重焉其寡過矣乎王陽曰春秋所以大一統者六合同風九州共貫也董生曰春秋大一統者天地之常經古今之通誼也今師異道人異論百家殊方指意不同是以上無以持一統法制數變下不知所守臣愚

正辭卷十

四

以爲諸不在六藝之科孔子之術者皆絕其道勿使並進邪辟之說滅息然後統紀可一而法度可明民知所從矣此非春秋事也治春秋之義莫大焉

通三統

春王正月 春王二月 春王三月

何休曰夏以斗建寅之月爲正平旦爲朔法物見色尚黑殷以斗建丑之月爲正雞鳴爲朔法物芽色尚白周以斗建子之月爲正夜半爲朔法物萌色尚赤二月三月皆有王者二月殷之正月也三月夏之正月也王者存二王之後使統其正朔服

其服色行其禮樂所以尊先聖通三統師法之義

於讓之禮于是可得而觀之子曰殷因於夏禮所

損益可知也周因於殷禮所損益可知也周監於

二代郁郁乎文哉子曰行夏之時乘殷之輅服周

之冕樂則韶舞召誥曰相古先民有夏天迪從子

保面稽天若今時既陞厥命今相有殷天迪格保

面稽天若今時既陞厥命劉向曰王者必通三統

明天命所授者博非獨一姓也按日月星辰之行

始於日至陰陽風雨之氣徵於丑仲王政民事之

序接於寅正三正並行而不悖尙矣夏書曰怠棄

正辭卷十

五

三正子丑非春其諸後儒之感與

備四時

春王正月莊公五年夏四月桓公九年秋七月隱公六年冬十月桓公六年

公羊子曰此無事何以書春秋雖無事首時過則

書首時過則何以書春秋編年四時具然後爲年

何休曰明王者當奉順四時之正也尙書曰欽若

昊天罔象日月星辰敬授人時是也魏相曰天地

變化必繇陰陽陰陽之分以日爲紀日冬夏至則

八風之序立萬物之性成各有常職不得相干明

王謹於尊天慎乎養人故立義和之官君動靜以道奉順陰陽則日月光明風雨時節寒暑調和臣愚以爲陰陽者王事之本羣生之命自古賢聖未有不繇者也天子之義必純取法天地而觀於先聖書曰撫于五辰庶績其凝

正日月

十二月 閏月 文公六年 六十日 上辛季辛 朔晦

日中 日下昃 夜 夜中

書曰協時月正日左氏曰天子有日官諸侯有日御日官居卿以底日日御不失日以授百官于朝

正辭卷十

太

又曰閏以正時時以作事事以厚生生民之本於是乎在記曰天子立冕而朝日于東門之外聽朔于南門之外閏月則闔門左扉立于其中皮弁以日視朝諸侯皮弁以聽朔于大廟朝服以日視朝于內朝魯語曰天子大采朝日與三公九卿祖識地德日中考政師尹惟旅牧相宣序民事少采夕月與大史司載糾虔天刑日入監九御使潔奉禘郊之案盛而後卽安諸侯朝修天子之業命晝考其國職夕省其典刑夜儆百工使無愒而後卽安庭燎之詩曰夜如何其夜未央齊詩曰不能辰

夜不宿則莫

審天命廢典

二年春 三年春王二月 四年春王二月 五年

春 六年春 七年春王三月 八年春 九年

春 十年春王二月 此正月也隱無正故辟之也 十一年春公

穀梁子曰隱十年無正隱不自正也元年有正所

以正隱也 正隱不使讓

八年春公

有三月份不繫諸時失不月也遇在內不月也况

在外乎不月則不言春王春天時也月王月也此

正辭卷十

七

有三月矣易不繫之于王王繫之春然後以月繫

之王歲之始莫先于臨天下之一人而後有萬不

同之事物無不繫之於王月以月承春王不可闕

也不以月承春王不可以不闕也據亂而作苟非

桓公之策書則不忍輒以爲無王矣慎言哉

元年春王正月公桓

穀梁子曰桓無王其曰王何也謹始也所以治桓

也

二年春王正月

其曰王何也程子曰正督之罪也

十年春王正月

其曰王何也盈數也十年必棄書王紀常也本胡氏

十有八年春王正月

其曰王何也曰謹其終也易曰物不可以終否

三年春正月特會不恒月其月何決不王也四年春正月狩不月此月決不王也

五年春正月與夷終生故王也六年春正月不恒月決

七年春二月八年春正月九年春易不

十年春正月十有三年春正月十有四年春正月

十有五年春二月易為月未十有六年春正月

正辭卷一

十有七年春正月

穀梁子曰桓弟弑兄臣弑君天子不能定諫之諸

侯不能救伐之百姓不能去不能討以為無王之

道遂可以至焉爾聞之曰去名以存實也

王

不稱天何也貶天子可貶乎曰以天道臨之可也

君臣之義嫡妾之辨人莫大焉天莫大焉

四年春 夏 七年春 夏恒公

程子曰人主滅矣天運乖矣陰陽失序歲功不成

矣故不具四時聞之書曰今其有今問後汝何生

在上其不具于是年何也其諸以朝聘之者與

夏五月莊公二十二年

五月不首時其首時何著異也忘父葬母謀取仇

女異之大者也以天時為于此焉變矣著變以存

其常焉爾本何休

元年春王三月定公

穀梁子曰不言正月定無正也定之無正何也昭

公之終非正終也定之始非正始也昭無正終故

定無正始

十有四年春 夏 秋定公

正辭卷一

九

去冬何也不終也本何休是年也齊歸女樂季孫受

之而孔子行故曰不終易曰无喪无得其吾聖人

與汜至亦未編井羸其瓶凶夫季桓子與昭公十

義何曰可以無闕而不書慎也不可以具闕而

無創明也昭公無冬上下皆見夏五類也今上下

之文未有以明見必如郭公類也夫子親于其時

矣不可具哉故曰創也復以為闕非明也其陋也

可哉

察五行祥異

洪範曰一五行一曰水二曰火三曰木四曰金

五曰土水曰潤下火曰炎上木曰曲直金曰從

革土爰稼穡二五事一曰貌二曰言三曰視四

有黃青黃祥時則有金木水火土皇之不極是謂不建厥咎眚厥罰恆陰厥極弱時則有射妖時則有龍蛇之孽時則有馬駝時則有下人伐上之病時則有日月亂行星辰逆行不言五而曰日月亂行星辰逆行者爲六沴作見若是共禦五福乃降若不共禦六極其下

曰經所不言何故傳之不殆于誣乎曰烏是何言與天有五行地有五行陳天之五合地之五明天道也重皇極也昧者見以爲六也故疑之明者知其爲合也故信之且夫皇極所以立命

正辭卷一

上

故曰建五事所以事天故曰敬事一不修敬有闕爾皇之不極非不克建而已乃蕩然大壞逆天道甚也是故五事有變傷其質五沴是也質具于地皇極不建沴其象日月星辰是也象見于天獨不見夫易乎貌言視聽如六子然思如坤皇極如乾傳五行不傳皇極是知坤藏不知乾君也并五事在皇極是知成象不知效法也知地而不知天則悖矣知一而不知二則謬矣不此之誣而以傳爲誣是何言也獨不見夫易乎曰然則經不言何也曰有之歲也月也日也天道也歲月

日時無易皇極之建應此矣日月歲時既易皇極不建應此矣其曰厥咎眚何也蒙甚也天奪其鑒已在易明夷之貢曰不明晦初登于天後入于地殆此謂矣霽亂五官地也眚亂五性天也厥罰恆陰何也風甚也或覩其物已詩曰終風且曀下則爲雲物尚在上則爲祲象高則已凡

十五物皆繫于日其在周禮春官職之厥咎類蒙厥罰類風不別著象何也一以管四者心也一以行四者風也天無不覆地無不載各以五配而不能爲六也雨暘燠寒非天乎曰其本在

正辭卷一

上

地地道无成故歸諸天然則恆陰亦地也曰天氣擾地不應易曰密雲不雨已上也射妖何也曰其在書乎男子事也用是見脂夜之妖蓋女子象也龍蛇之孽何也曰極陰疑陽其將戰乎在易坤之剝曰龍戰于野其血玄黃馬駝何也馬健行地其象配乾故屬皇極五事盡失六極不盡應獨歸之弱何也曰其知天道乎是謂天之所壞不可支也自有生民以來墜命亡氏蹈其國家者皆在此人見其弱也而悲之而閔之不知天之棄之也威莫甚于此矣凡以蕩然大

壞逆天道甚故彌登曰一事偶失哉曰日月有常行何謂亂星之逆行亦常也何謂沴曰苟以爲常生必有死與必有廢治必有亂存必有亡莫非常也則將不復危懼晏晏如故矣不祥甚哉曰此天之命不可知也故曰異若天之行則可知也何異之有曰昧者皆不知神者盡知之蔽者一知一不知畸常畸異奚足以定是非余寧知禍之逮人也天不有期焉聖不先覺焉女尙良知日月之眚聖弗克知女短長之命信乎否也曰聖知之不以告人亦以爲非常云爾曰

正辭卷一

十四

固非常也聖人曷常以日月之行之故告人乎春秋書日有食之不著其食之者老聃云安知其不見星也古之人不以日月之眚諄諄然示人亦明矣敬天故也若夫禍福之故聖人則旣告女曰作善降之百祥作不善降之百殃重之以蕃龜臨之以明哲申之以誓詰勸之以歌誦皆是物也夫乃以爲非常也固聖人之所以爲大常也曰日月星辰之沴固非常矣是亦亟矣乃必使人罹于咎乎曰非日月星辰之變使罹咎也極之不建實自取謫焉苟有壞國喪家亡

人其小大亦良應之甚可畏也曰家人亦應之乎曰矣在其不應也傳曰謂母之子也可謂天之子也可尊者取尊稱焉卑者取卑稱焉經曰時人斯其惟皇之極固古今貴賤之達理也苟有庶人傲狠明德以亂天常雖當天地之災不異焉矣在其不應也中庸記曰國家將亡必有妖孽初不在大也孟子曰脩身以俟之所以立命亦不在小也

高宗彤日曰民有不若德不聽罪天旣孚命正厥德乃曰其如台嗚呼王司敬民罔非天胤與祀無豐于昵

正辭卷一

十五

此事應也事天如事親父母怒之必誠求其所以然多方擬議之旣得而後已此之謂脩省怒而不知懼頑也懼而不知揅慢也揅而不察類舛也不當而不問其人傲也頑則絕之慢則疏之舛則謫之傲則厭之天地之大者在五行各一其性不得相干徵召若影響其失也不知揅則已如欲揅之不教不察其故所謂春秋之道舉往以明來也五行之失如疾然氣雖亂各有所主不存其意不貫其理以此事天何異許止之

不嘗藥也五行之變非盡變也非不遽復也謂和則俱和失則俱失是乃誣天地也不然夫祖己之言亦曰正厥事可矣又曰典事無豐于昵非所揀之事當用此與人臣之義陳善必列其宜匡失必舉其敗不敢為無端崖之辭以涸其上而藏其姦敬之至也今日恐懼脩省云爾將俾盡革其政與抑擇所振揀與抑空言無施而百官萬事皆自若與此固姦以事君者所欲得以飾其惡也欺君不祥誣天地不祥一言而不祥者三不說事應之謂也

正辭卷一

十一

春王正月雨木冰成公十有六年

公羊子曰雨木冰者何雨而木冰也何以書記異也劉向以為冰者陰之盛而水滯者也木者少陽貴臣卿大夫之象也此人將有害則陰氣脅木木先寒故得雨而冰也是時叔孫僑如出奔公子偃誅死

木不曲直

秋八月壬申御廩災桓公十有四年

公羊子曰御廩災何以書記災也董仲舒以為先是四國共伐魯大破之於龍門百姓傷者未廖怨

否未復而君臣俱情內怠政事外侮四鄰非能保守宗廟終其天年者也故天災御廩以戒之劉向以為御廩夫人八妾所舂米之臧以奉宗廟者也時夫人有淫行挾逆心天戒若曰夫人不可以奉宗廟桓不寤與夫人俱會齊夫人譖桓公子齊侯齊侯殺桓公

夏齊大災莊公二十年

穀梁子曰其志以甚也劉向以為齊桓好色聽女口以妾為妻適庶數更故致大災桓公不寤及死適庶分爭九月不得葬公羊子曰大災者何大瘡

正辭卷一

十七

也大瘡者何瘡也何以書記災也外災不書此何以書及我也董仲舒以為魯夫人淫於齊齊桓姊妹不嫁者七人國君民之父母夫婦生化之本本傷則末天故天災所予也

五月己巳西宮災僖公二十年

公羊子曰西宮者何小寢也小寢則曷為謂之西宮有西宮則有東宮矣魯子曰以有西宮亦知諸侯之有三宮也西宮災何以書記異也何也疑誤則闕

夏成周宣榭火宣公十有六年

公羊子曰宣榭者何宣官之榭也何以書記災也穀梁子曰其曰宣榭何也以樂器之所藏目之也左氏曰凡火人火曰火天火曰災董仲舒劉向以爲十五年王札子殺召伯毛伯天子不能誅天戒若曰不能行政令何以禮樂爲而藏之按成周者天子之下都也

甲子新宮災三日哭成公三年二月

公羊子曰新宮災何以書記災也何休以爲此象

宣公篡立當誅絕不宜列昭穆天道莫明于此矣

春宋災襄公九年

正辭卷十

十

十

公羊子曰何以書記災也外災不書此何以書爲

王者之後記災也劉向以爲先是宋公聽讒逐其

大夫華弱出奔魯

五月甲子宋災襄公三十年

劉向以爲先是宋公聽讒而殺太子痤應火不災

上之罰也

夏四月陳災昭公九年

左氏曰鄭裨竈曰五年陳將復封封五十二年而

遂亡子產問其故對曰陳水屬也而楚所相也今

火出而火陳逐楚而建陳也如以五成故曰五年

歲五及鶉火而後陳卽亡楚克有之天之道也非經義也志雜古何也明所用廣不舉一而廢百也

夏五月壬午宋衛陳鄭災昭公十八年

公羊子曰何以書記災也何異爾異其同日而俱

災也外異不書此何以書爲天下記異也穀梁子

曰其日以同日也董仲舒以爲象王室將亂天下

莫救故災四國言亡四方也又宋衛陳鄭之君皆

荒淫于樂不恤國政與周室同行陽失節則火災

出是以同日災也劉向以爲宋陳王者之後衛鄭

周同姓也時周景王老劉子單子事王子猛尹氏

召伯毛伯事王子朝子朝楚之出也及宋衛陳鄭

亦皆外附于楚亡尊周室之心後三年景王崩王

室亂故天災四國天戒若曰不救周反從楚廢世

子立不正以害王室明同舉也

夏五月壬辰雉門及兩觀災定公二年

公羊子曰其言雉門及兩觀災何兩觀微也然則

易爲不言雉門災及兩觀主災者兩觀也時災者

兩觀則易爲後言之不以微及大也何以書記災

也董仲舒劉向以爲此皆奢僭過度者也先是季

氏逐昭公昭公死於外定公卽位既不能誅季氏